

Հաստատված է

«ԽՆ Արուլյանի անվան
հայկական պետական մանկավարժական
համալսարան» ՊՈԱԿ ռեկտորի
03.04.2012 թվականի թիվ 2-367
հրամանով
Ընդունված է ՀՊՄՀ գիտական խորհրդի
14.03.2012 թվականի թիվ 7



«ԻՆՏԵՍՏՈՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐՔԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՂ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ՊՐՈՖԵՍՈՐԱԴԱՍՏԱԽՈՍՍԱԿԱՆ ԿԱԶՄԻ ԶԵՎԱԿՈՐՄԱՆ

ԿԱՆՈՆԱԿԱՐԳ

Երևան 2012

ՌԵԿՏՈՐ

Թիվ _____

_____ . _____ . 2012թ.

Հ Ր Ա Մ Ա Ն

Խ. ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԵ
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՊՐՈՖԵՍՈՐԱԴԱՍԱԽՈՍԱԿԱՆ
ԿԱԶՄԻ ՁԵՎԱՎՈՐՄԱՆԵ ԿԱՆՈՆԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով ՀՀ կառավարության 2002 թվականի հոկտեմբերի 24-ի թիվ 1813-Ն որոշմամբ հաստատված ,Խ.Աբովյանի անվան հայկական պետական մանկավարժական համալսարանե պետական ոչ առևտրային կազմակերպության (այսուհետ՝ Համալսարան) կանոնադրության 29-րդ կետի ժգ) ենթակետով, Համալսարանի 2005 թվականի նոյեմբերի 29-ի նիստում հաստատված ,Խ.Աբովյանի անվան հայկական պետական մանկավարժական համալսարանի գիտական խորհրդի կանոնակարգի 4.3-րդ կետի ե) ենթակետով և հիմք ընդունելով Համալսարանի գիտական խորհրդի 2012 թվականի մարտի 14-ի թիվ 7 որոշումը՝

1. Հաստատել սույն հրամանին կից ներկայացված ,Խ.Աբովյանի անվան հայկական պետական մանկավարժական համալսարանե պետական ոչ առևտրային կազմակերպության պրոֆեսորադասախոսական կազմի ձևավորմանե կանոնակարգը համաձայն հավելվածի:

2. Սույն հրամանն ուժի մեջ է մտնում ստորագրման պահից:

Ռուբեն Միրզախանյան

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգով սահմանվում է ,Խ. Աբովյանի անվան հայկական պետական մանկավարժական համալսարանի պետական ոչ առևտրային կազմակերպության (այսուհետ՝ Համալսարան) պրոֆեսորադասախոսական կազմի ձևավորման կարգը:
2. Համալսարանի պրոֆեսորադասախոսական կազմի և Համալսարանի միջև աշխատանքային հարաբերություններն իրականացվում են պայմանագրային հիմունքներով, որին նախորդում է պաշտոնները զբաղեցնողների մրցութային կարգով ընտրությունը (բացառությամբ մանկավարժական հատուկ տարակարգեր զբաղեցնելու դեպքերի):

II. ՊՐՈՖԵՍՈՐԱԴԱՍԱԽՈՍԱԿԱՆ ՍԱՐԱԿԱՐԳԵՐԸ ԵՎ ԴՐԱՆՑ ԲՆՈՒԹԱԳԵՐԸ

3. Համալսարանի պրոֆեսորադասախոսական կազմն ընդգրկում է հետևյալ տարակարգերը՝ դասախոս, ասիստենտ, դոցենտ, պրոֆեսոր:
4. Ըստ պրոֆեսորադասախոսական կազմի տարակարգերի՝ սահմանվում են ուսումնական, հետազոտական և մեթոդական-կազմակերպչական գործունեության հետևյալ ցուցանիշները.
 - 4.1. Պրոֆեսոր՝
 - 1) դասախոսությունների անցկացում (հիմնականում՝ մագիստրատուրայում և ասպիրանտուրայում),
 - 2) գիտամեթոդական սեմինարների անցկացում, մագիստրանտների և ասպիրանտների ատենախոսությունների ղեկավարում,
 - 3) մագիստրոսական և ասպիրանտական ծրագրերով նախատեսված նոր մասնագիտությունների ու դասընթացների ստեղծում և կազմակերպում,
 - 4) գիտական և ուսումնամեթոդական աշխատանքների, մասնավորապես, գիտական մենագրությունների և ուսումնական ձեռնարկների հրատարակում, այդ թվում՝ ատենախոսության (թեկնածուական, դոկտորական) պաշտպանությունից հետո,
 - 5) զեկուցումներ հանրապետական և միջազգային գիտաժողովներում,
 - 6) ամբիոնում հետազոտական ծրագրի, խմբի, լաբորատորիայի հիմնում և ղեկավարում,
 - 7) մասնակցություն համալսարանական և արտասահմանյան գիտակազմակերպչական, գիտամեթոդական, փորձագիտական, ինչպես նաև գիտական աստիճաններ շնորհող խորհուրդների, հանձնախմբերի, հանրապետական և միջազգային գիտատեխնիկական միությունների, ընկերակցությունների և այլ մարմինների աշխատանքներին,
 - 8) խորհրդատվական գործունեություն,
 - 9) գիտության տվյալ բնագավառում ստացած արդյունքների բավարար ճանաչվածության հանրապետությունում և նրա սահմաններից դուրս:
 - 4.2. Դոցենտ՝
 - 1) դասախոսությունների անցկացում (բակալավրիատում, մագիստրատուրայում և ասպիրանտուրայում),
 - 2) գիտամեթոդական սեմինարների անցկացում,
 - 3) բակալավրի ծրագրով ուսումնառուների ավարտական (դիպլոմային) աշխատանքների, մագիստրոսների և ասպիրանտների ատենախոսությունների ղեկավարում,
 - 4) թեկնածուական ատենախոսության պաշտպանությունից հետո գիտական և ուսումնամեթոդական աշխատանքների հրատարակում,
 - 5) հետազոտական աշխատանքների կազմակերպում և իրականացում,
 - 6) զեկուցումներ հանրապետական և միջազգային գիտաժողովներում,
 - 7) մասնակցություն ծրագրային, մեթոդական և մշտական հանձնախմբերի, խորհուրդների, որակավորման և գիտական աստիճաններ շնորհող մարմինների, փորձագիտական և խորհրդատվական հանձնախմբերի աշխատանքներին:
 - 4.3. Ասիստենտ՝

- 1) դասախոսությունների, գործնական և լաբորատոր պարապմունքների անցկացում (հիմնականում՝ բակալավրիատում),
 - 2) ուսանողների հետ կանոնավոր խորհրդատվությունների անցկացում,
 - 3) բակալավրի կրթական ծրագրով ավարտական (դիպլոմային) աշխատանքների ղեկավարում,
 - 4) մասնակցություն ուսումնական ստորաբաժանման ուսումնամեթոդական և հետազոտական աշխատանքներին:
- 4.4. Դասախոս՝
- 1) գործնական և լաբորատոր պարապմունքների, ուսումնական սեմինարների անցկացում,
 - 2) ուսումնական պլանով նախատեսված առարկաների դասավանդում,
 - 3) մասնագիտական առարկաներից հաշվեգրաֆիկական, կուրսային աշխատանքների և նախագծերի, ինչպես նաև ուսումնական և մանկավարժական պրակտիկաների ղեկավարում:
5. Պրոֆեսորադասախոսական կազմի տարակարգերից բացի, ամբիոնի պաշտոնային դրույքների հաշվին, սահմանվում են նաև պրոֆեսորադասախոսական հետևյալ հատուկ տարակարգերը.
- 1) խորհրդատու պրոֆեսոր՝ ՀՀ կամ արտասահմանյան համալսարաններից, հետազոտական և գիտաարտադրական կազմակերպություններից (ձեռնարկություններից) հրավիրված և Համալսարանում մասնակի կամ լրիվ դրույքով համապատասխան տարակարգով ժամանակավորապես ձևակերպված մասնագետ, որի հիմնական խնդիրներն են՝ հատուկ դասընթացների և գիտամեթոդական սեմինարների անցկացումը, նոր կրթական ծրագրերի և տեխնոլոգիաների, ուսուցման մեթոդների և կառավարման միջոցների ներդրումը,
 - 2) հրավիրված պրոֆեսոր (դոցենտ, ասիստենտ)՝ տվյալ կամ այլ համալսարանի, ինչպես նաև հետազոտական և գիտաարտադրական կազմակերպությունների (ձեռնարկությունների)՝ համապատասխան տարակարգով և մինչև 0.75 դրույքով ժամանակավորապես ձևակերպված մասնագետ, որը համալրում է պրոֆեսորադասախոսական կազմի թափուր հաստիքները:
6. Համալսարանի գիտխորհուրդը վաստակաշատ պրոֆեսորներին սահմանված կարգով կարող է շնորհել նաև պատվավոր պրոֆեսորի կոչում:

III. ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ԱՆՑՈՒՄԸ ՍԱՀՄԱՆՎԱԾ ՏԱՐԱԿԱՐԳԵՐԻ ՊԱՇՏՈՆՆԵՐԻՆ

7. Սույն կանոնակարգի 3-րդ կետում նշված պրոֆեսորադասախոսական կազմի՝ տարակարգերի պաշտոններին անցման (նշանակման և առաջաջաման) որակական չափանիշներն են՝
- 1) որակավորումը, գիտական աստիճանը,
 - 2) մանկավարժական աշխատանքի ստաժը, տարիքը,
 - 3) ուսումնական, հետազոտական, մեթոդական-կազմակերպչական գործունեության արդյունքները,
 - 4) ուսանողների կողմից դասախոսի աշխատանքի որակի գնահատականը:
- 7.1. Պրոֆեսորի պաշտոնի կարող են հավակնել.
- 1) թափուր տեղերի տեղակալման կարգով՝ պրոֆեսորի գիտական կոչում ունեցող անձինք, որոնք, որպես կանոն, ունեն գիտությունների դոկտորի գիտական աստիճան,
 - 2) առաջաջաման կարգով՝ դոցենտի գիտական կոչում ունեցող անձինք, որոնք ունեն գիտությունների դոկտորի գիտական աստիճան և իրականացնում են պրոֆեսորի պաշտոնին համապատասխանող գիտամանկավարժական գործունեություն: Անցումն իրականացվում է ինն տարվա գիտամանկավարժական աշխատանքի ստաժի առկայության դեպքում, որից ոչ պակաս, քան հինգ տարին՝ դոցենտի տարակարգում:
- 7.2. Դոցենտի պաշտոնի կարող են հավակնել.
- 1) թափուր տեղերի տեղակալման կարգով՝ դոցենտի գիտական կոչում ունեցող և համապատասխան պաշտոն զբաղեցնող անձինք,
 - 2) առաջաջաման կարգով՝ դասախոսի և ասիստենտի պաշտոն զբաղեցնող անձինք, որոնք գիտությունների թեկնածու են, և որոնց գիտամանկավարժական գործունեությունը համապատասխանում է դոցենտի տարակարգին ներկայացվող չափանիշներին: Անցումն իրականացվում է ոչ պակաս, քան չորս տարվա գիտամանկավարժական աշխատանքի ստաժի առկայության դեպքում:

7.3. Ասիստենտի պաշտոնի կարող են հավակնել.

- 1) թափուր տեղերի տեղակալման կարգով՝ ասիստենտի պաշտոն զբաղեցնող անձինք, որոնք գիտությունների թեկնածու են,
- 2) առաջաջաման կարգով՝ ուսումնական ասիստենտի կամ դասախոսի պաշտոն զբաղեցնող անձինք, որոնք ավարտել են ասպիրանտուրան:

7.4. Դասախոսի պաշտոնի կարող են հավակնել.

- 1) թափուր տեղերի տեղակալման կարգով՝ անձինք, որոնք ունեն մագիստրոսին համարժեք որակավորում, սակայն չունեն գիտական աստիճան բացառությամբ ֆիզկուլտուրա և բուժպատրաստություն մասնագիտությունների,
- 2) առաջաջաման կարգով՝ ուսումնական ասիստենտի պաշտոն զբաղեցնող անձինք:

8. Արվեստի, կուլտուրայի, սպորտի (ֆիզիկական կուլտուրայի) ամբիոններում պրոֆեսորի, դոցենտի և ասիստենտի պաշտոններ զբաղեցնելու համար մյուս բոլոր չափանիշներին համապատասխանելու դեպքում, գիտական աստիճանի առկայությունը պարտադիր պայման չէ: Առաջնայինը հավակնորդի ստեղծագործական ավանդն է արվեստի, կուլտուրայի, սպորտի տվյալ ճյուղի զարգացման գործում, նրա ստեղծագործական գործունեության լայն ճանաչումը հանրապետությունում և նրա սահմաններից դուրս:

9. Բացառիկ դեպքերում անցումը պրոֆեսորադասախոսական կազմի տարակարգերի պաշտոններին կարող է կատարվել հետևյալ կերպ՝

1) Պրոֆեսորի պաշտոնի կարող են անցնել՝

ա) Համալսարանում երկարամյա (քսանհինգ և ավելի տարիներ) արդյունավետ ուսումնագիտական գործունեություն իրականացրած անձինք, ինչպես նաև համատեղության կարգով աշխատած և Համալսարան հիմնական աշխատանքի հրավիրվող առաջատար մասնագետները, որոնք ունեն թեկնածուի գիտական աստիճան և դոցենտի գիտական կոչում, և որոնց գիտամանկավարժական գործունեությունը համապատասխանում է պրոֆեսորին ներկայացվող որակական չափանիշներին,

բ) անկախ մանկավարժական ստաժի առկայությունից՝ Համալսարան հիմնական աշխատանքի հրավիրվող առաջատար մասնագետները, որոնք ունեն դոկտորի գիտական աստիճան և դոցենտի գիտական կոչում, և որոնց գիտամանկավարժական գործունեությունը համապատասխանում է պրոֆեսորին ներկայացվող որակական չափանիշներին:

2) Դոցենտի պաշտոնի կարող են անցնել՝

ա) Համալսարանում երկարամյա (տասնհինգ և ավելի տարիներ) արդյունավետ ուսումնագիտական գործունեություն իրականացրած դասախոսները, որոնք չունեն գիտական աստիճան և դոցենտի գիտական կոչում, բայց որոնց գիտամանկավարժական գործունեությունը համապատասխանում է դոցենտին ներկայացվող որակական չափանիշներին,

բ) առանց մանկավարժական ստաժի սահմանափակման՝ Համալսարան հիմնական աշխատանքի հրավիրվող առաջատար մասնագետները, որոնք ունեն գիտական աստիճան և որոնց գիտամանկավարժական գործունեությունը համապատասխանում է դոցենտին ներկայացվող որակական չափանիշներին:

10. Պրոֆեսորադասախոսական տարակարգեր զբաղեցնելու առավելագույն տարիքը սահմանվում է ՀՀ օրենսդրությամբ:

11. Համալսարանում վարչական պաշտոններ զբաղեցնող և գիտական կոչում (աստիճան) ունեցող անձինք համատեղության կարգով կարող են մինչև 0.5 դրույքով աշխատել պրոֆեսորադասախոսական տարակարգի պաշտոնում և նույն դրույքի սահմաններում մասնակցել պրոֆեսորադասախոսական պաշտոնների տեղակալման գործընթացին՝ բացառությամբ գիտական գծով պրոռեկտորի, որը համատեղության կարգով կարող է պահպանել մինչև 1 դրույք:

IV. ՊՐՈՖԵՍՈՐԱԴԱՍԱԽՈՍԱԿԱՆ ՏԱՐԱԿԱՐԳԵՐԻ ԶԲԱՂԵՑՄԱՆ ՀԱՄԱՐ ՄՐՑՈՒՅԹԻ ԱՆՑԿԱՑՈՒՄԸ

12. Պրոֆեսորադասախոսական տարակարգերի պաշտոնների զբաղեցման համար մրցույթում (այսուհետ՝ մրցույթ) հաղթած անձի հետ կնքվում է պայմանագիր մինչև հինգ տարի ժամկետով: Մրցույթի վերաբերյալ հայտարարությունը հրապարակվում է մրցույթից առնվազն վաթսույն օր

առաջ: Հայտարարության մեջ նշվում են մրցույթի պայմանները, համապատասխան տարակարգի հավակնորդին ներկայացվող պահանջները, ինչպես նաև դիմումների ներկայացման վերջնաժամկետը:

13. Պրոֆեսորների, ինչպես նաև համահամալսարանական ամբիոնների պրոֆեսորա-դասախոսական տարակարգերի մրցույթն անցկացվում է Համալսարանի գիտխորհրդում, իսկ դոցենտների, ասիստենտների և դասախոսների մրցույթը՝ ֆակուլտետների խորհուրդներում (այսուհետև՝ խորհուրդ):
14. Մրցույթին մասնակցել ցանկացողները հայտարարության հրապարակումից հետո երեսուն օրվա ընթացքում Համալսարանի կադրերի բաժին են ներկայացնում դիմում՝ ռեկտորի անունով՝ կցելով հետևյալ փաստաթղթերը.
 - 1) կադրերի հաշվառման անձնական թերթիկ,
 - 2) քաղվածք աշխատանքային գրքույկից,
 - 3) համառոտ ինքնակենսագրություն՝ ժամանակագրական կարգով,
 - 4) բնութագիր վերջին աշխատավայրից,
 - 5) բարձրագույն կրթության դիպլոմի պատճենը,
 - 6) գիտական աստիճանը և գիտական կոչումը հաստատող փաստաթղթերի պատճենները (առկայության դեպքում),
 - 7) տպագրված գիտական և մեթոդական աշխատանքների ցուցակը,
 - 8) տվյալներ պարգևների, մրցանակների և պատվավոր կոչումների վերաբերյալ:
15. Դիմումների ընդունման մասին կատարվում է համապատասխան գրառում դիմումների ընդունման մատյանում: Սույն կանոնակարգի 14-րդ կետով նախատեսված պահանջները չպահպանելու, ինչպես նաև դիմումների ընդունման վերջնաժամկետը լրացած լինելու դեպքում դիմումի ընդունումը մերժվում է, որի մասին ևս մատյանում կատարվում է համապատասխան գրառում:
16. Համալսարանի կադրերի բաժինը մրցույթի անցկացումից ոչ ուշ, քան քսան օր առաջ մրցույթին ներկայացված փաստաթղթերը և թեկնածուի որակական ցուցանիշները ամբիոնի նիստում քննարկելու և խորհրդի մրցութային հանձնաժողովին եզրակացություն ներկայացնելու նպատակով տրամադրում է համապատասխան ամբիոնին:

Նիստի անցկացումից ոչ ուշ, քան տասն օր առաջ թեկնածուների ցուցակը հրապարակվում է Համալսարանում:
17. Խորհրդի նիստում նախագահողը, ըստ ազգանունների այբբենական կարգի, ներկայացնում է թեկնածուների ցուցակը: Յուրաքանչյուր թեկնածուի համար հրապարակվում է ամբիոնի եզրակացությունը, ինչպես նաև խորհրդի մրցութային հանձնաժողովի որոշումը: Թեկնածուները կարող են մասնակցել նիստին և հանդես գալ ելույթներով: Ելույթներն ընթանում են՝ ըստ թեկնածուների ազգանունների այբբենական կարգի: Թեկնածուների ելույթի համար հատկացվող ժամանակի վերաբերյալ Խորհուրդը ընդունում է որոշում: Թեկնածուն կարող է ինքնաբացարկ հայտնել մինչև խորհրդի կողմից քվեարկության անցկացումը:
18. Քվեարկության անցկացման և արդյունքների ամփոփման համար խորհուրդը բաց քվեարկությամբ իր կազմից ձևավորում է առնվազն երեք հոգուց բաղկացած հաշվիչ հանձնաժողով: Թեկնածուները չեն կարող առաջադրել և առաջադրվել հաշվիչ հանձնաժողովի կազմում: Հաշվիչ հանձնաժողովն իր կազմից ընտրում է նախագահ: Հանձնաժողովի որոշումներն ընդունվում են անդամների ձայների պարզ մեծամասնությամբ:
19. Խորհրդի յուրաքանչյուր անդամ հաշվիչ հանձնաժողովից ստանում է մեկ քվեաթերթիկ և ստորագրում Խորհրդի անդամացուցակում: Անցկացվող մրցույթի քվեաթերթիկում՝
 - 1) Մեկ թեկնածու առաջադրված լինելու դեպքում քվեաթերթիկում պետք է լինեն ,կողմ և ,դեմ քառերը (Հավելված 1),
 - 2) Մեկից ավելի թեկնածություններ առաջադրված լինելու դեպքում քվեաթերթիկում այբբենական կարգով նշվում են յուրաքանչյուր թեկնածուի ազգանունը, անունը և վերջին տողում <<բոլորին դեմ եմ>> քառերը (Հավելված 2): Այս դեպքում քվեարկողը կարող է նշում կատարել մեկ կամ մի քանի թեկնածուների օգտին կամ նշում կատարել <<բոլորին դեմ եմ>> վանդակում:

20. Հաշվիչ հանձնաժողովը կայացնում է քվեաթերթիկն անվավեր ճանաչելու մասին որոշում հետևյալ դեպքերում՝
 - 1) բաց թողնված կամ նշված են թե՛ <<կողմ>> և թե՛ <<դեմ>> բառերը (մեկ թեկնածուի առկայության դեպքում),
 - 2) կատարված են սույն կարգով չնախատեսված նշումներ, ընդգծումներ և այլ նշագծումներ:
21. Մրցույթն անց է կացվում փակ, գաղտնի քվեարկությամբ: Խորհրդի քարտուղարը Խորհրդի անդամներին ներկայացնում է փակ (գաղտնի) քվեարկության կարգը: Մրցույթն անցկացնելիս Խորհրդի նիստը համարվում է իրավագոր, եթե նիստին մասնակցել են Խորհրդի հաստատված կազմի 2/3-ը:
22. Քվեարկությունն ավարտվելուց հետո հաշվիչ հանձնաժողովն ամփոփում է քվեարկության արդյունքները և կազմում արձանագրություն (Հավելված 3): Մեկից ավելի թեկնածություններ առաջադրված լինելու դեպքում արձանագրության մեջ թեկնածուների ցուցակը տրվում է՝ ըստ հավաքած ձայների քանակի նվազման հաջորդականության: Հաշվիչ հանձնաժողովի նախագահը հրապարակում է արձանագրությունը, որից հետո հաշվիչ հանձնաժողովի արձանագրությունը հաստատվում է Խորհրդի կողմից բաց քվեարկությամբ:
23. Մրցույթով անցած է համարվում այն թեկնածուն, որը հավաքել է խորհրդի անդամների ընդհանուր թվի ձայների մեծամասնությունը: Մեկից ավելի թեկնածուների կողմից մրցույթը հաղթահարելու դեպքում Համալսարանի ռեկտորին իրավունք է վերապահվում իր **հայեցողությամբ պայմանագիր կնքել նրանցից մեկի հետ:**
24. Սույն կանոնակարգի 21-րդ և 23-րդ կետով սահմանված կարգով որևէ թեկնածուի կողմից համապատասխան քանակի ձայներ չստանալու դեպքում նշանակվում է նոր մրցույթ:
25. Մրցույթի արդյունքները հաստատվում են Խորհրդի նիստում՝ բաց քվեարկությամբ: Խորհրդի նիստում ընդունված որոշման հետ Համալսարանի ռեկտորի հիմնավորված անհամաձայնության դեպքում (գրավոր ներկայացվում է Խորհրդին) կազմակերպվում է նոր մրցույթ:

V. ՊՐՈՖԵՍՈՐԱԴԱՍԱԽՈՍԱԿԱՆ ՏԱՐԱԿԱՐԳԵՐՈՒՄ ՀՐԱՄԱՆԱԳՐՈՒՄԸ ԵՎ ԱՇԽԱՏԱՆՔԱՅԻՆ ՊԱՅՄԱՆԱԳՐԻ ԿՆՔՈՒՄԸ

26. Համալսարանի ռեկտորը Խորհրդի նիստում մրցույթի արդյունքում ընտրված անձին հրամանագրում է պրոֆեսորադասախոսական համապատասխան պաշտոնում և նրա հետ կնքում է աշխատանքային պայմանագիր՝ մինչև հինգ տարի ժամկետով:
27. Համալսարանի ռեկտորն իրավունք ունի մինչև համապատասխան ուսումնական տարվա ավարտը կամ մրցույթի անցկացումը սույն կանոնակարգի 7-ից 8-րդ կետերի պահանջները բավարարող անձանց ժամանակավորապես հրամանագրել ամբիոնի թափուր պրոֆեսորադասախոսական տարակարգում:
28. Պրոֆեսորադասախոսական հատուկ տարակարգեր զբաղեցնելու դեպքերում Համալսարանի ռեկտորը, քննարկման արդյունքով՝ առանց մրցույթ անցկացնելու, վերջիններիս հրամանագրում է համապատասխան տարակարգերում՝ նրանց հետ կնքելով աշխատանքային պայմանագիր՝ մինչև մեկ տարի ժամկետով:
29. Համալսարանի ռեկտորը, աշխատանքային պայմանագրի ժամկետը լրանալուց հետո աշխատանքային պարտականությունները պատշաճ կատարելու դեպքում հիմք ընդունելով համապատասխան ամբիոնի դրական կարծիքը, իրավունք ունի պրոֆեսորադասախոսական տարակարգում աշխատողի հետ կնքում է աշխատանքային պայմանագիր՝ մինչև հինգ տարի ժամկետով, առանց մրցույթային ընտրության՝ պայմանագրային գործունեության արդյունքում նրա գիտամանկավարժական գործունեության արդյունքների գնահատման հիման վրա:
30. Պրոֆեսորադասախոսական կազմի հետ կնքված աշխատանքային պայմանագիրը լուծվում է ՀՀ աշխատանքային օրենսդրությամբ սահմանված կարգով:

ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ
ՀԱՄԱԼՍԱՐԱՆ

ՔՎԵԱԹԵՐԹԻԿ

Համալսարանի գիտական/

_____ խորհրդի
(ֆակուլտետի խորհրդի դեպքում նշվում է ֆակուլտետի լրիվ անվանումը)

_____ նիստում (արձանագրություն թիվ _____)
տարեթիվ, ամսաթիվ

պրոֆեսորի(դոցենտի, ասիստենտի, դասախոսի) փակ (գաղտնի) քվեարկության

_____ Կողմ * Դեմ
(Թեկնածուի ազգանունը, անունը)

* Թեկնածույանը կողմ լինելու դեպքում նշվում է ,Կողմե Բառը, իսկ դեմ լինելու դեպքում՝
,Դեմե Բառը` համապատասխան տողի վանդակում կատարելով , $\sqrt{\quad}$ նշումը:

ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ
ՀԱՄԱԼՍԱՐԱՆ

ՔՎԵԱԹԵՐԹԻԿ

Համալսարանի գիտական/

_____ խորհրդի

(Ֆակուլտետի խորհրդի դեպքում նշվում է ֆակուլտետի լրիվ անվանումը)

_____ նիստում (արձանագրություն թիվ _____)

տարեթիվ, ամսաթիվ

_____ ամբիոնի պրոֆեսորի (դոցենտի,
ասիստենտի, դասախոսի)

ամբիոնի անվանումը

փակ (գաղտնի) քվեարկության

| | |
|------------------------------|--|
| 1. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 2. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 3. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 4. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 5. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 6. ԹԵԿՆԱԾՈՒԻ ԱԶԳԱՆՈՒՆ, ԱՆՈՒՆ | |
| 7. ԲՈԼՈՐԻՆ ԴԵՄ ԵՄ | |

* Որևէ թեկնածուին կողմ լինելու կամ բոլորին դեմ լինելու դեպքում քվեաթերթիկում համապատասխան տողի վանդակում կատարվում է $\sqrt{\text{X}}$ նշումը:

ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ
ՀԱՄԱԼՍԱՐԱՆ

**ԱՐՁԱՆԱԳՐՈՒԹՅՈՒՆ
ՀԱՇՎԻՉ ՀԱՆՁՆԱԺՈՂՈՎԻ ՆԻՍՏԻ**

Հաշվիչ հանձնաժողովը ընտրվել է Համալսարանի գիտական/

_____ (ֆակուլտետի խորհրդի դեպքում նշվում է ֆակուլտետի լրիվ անվանումը)

խորհրդի _____ նիստում (արձանագրություն թիվ _____)
տարեթիվ, ամսաթիվ

հետևյալ կազմով՝

1. _____
անուն, ազգանուն

2. _____
անուն, ազգանուն

3. _____
անուն, ազգանուն

Համալսարանի գիտական/ _____ խորհրդի
(ֆակուլտետի խորհրդի դեպքում նշվում է ֆակուլտետի լրիվ անվանումը)

_____ անդամներից ներկա էին _____ -ը:

Քվեարկվել է (են) _____ ամբիոնի պրոֆեսորի
(դոցենտի, ասիստենտի, դասախոսի) _____ ամբիոնի անվանումը

պաշտոնի թեկնածությունը (ները):

Քվեարկությանը մասնակցել է Համալսարանի գիտական/

_____ (ֆակուլտետի խորհրդի դեպքում նշվում է ֆակուլտետի լրիվ
անվանումը)

խորհրդի _____ անդամ:

Բաժանվել է _____ քվեաթերթիկ:

Քվեատուփում առկա է _____ քվեաթերթիկ:

Քվեարկության արդյունքներն են՝

Միակ թեկնածուի դեպքում

| ԹԵԿՆԱԾՈՒԻ ԱԶԳԱՆՈՒՆԸ, ԱՆՈՒՆԸ | ԿՈՂՄ | ԴԵՄ | ԱՆՎԱՎԵՐ |
|-----------------------------|------|-----|---------|
| | | | |

Մեկից ավելի թեկնածությունների դեպքում

| ԹԵԿՆԱԾՈՒԻ ԱԶԳԱՆՈՒՆԸ, ԱՆՈՒՆԸ | ԿՈՂՄ | ԴԵՄ | ԱՆՎԱՎԵՐ |
|-----------------------------|------|-----|---------|
| | | | |
| | | | |
| | | | |

Անվավեր քվեաթերթիկների քանակը _____ :

Փակ (գաղտնի) քվեարկության արդյունքով _____
անուն , ազգանուն

ընտրված է (չի ընտրված) _____ ամբիոնի պրոֆեսորի
(դոցենտի,ասիստենտի, _____ ամբիոնի անվանումը
դասախոսի) պաշտոնում:

Կամ՝

Փակ (գաղտնի) քվեարկության արդյունքով _____
ամբիոնի անվանումը

ամբիոնի պրոֆեսորի (դոցենտի, ասիստենտի, դասախոսի) պաշտոնի թեկնածուներից ոչ
մեկը չի ընտրվում տվյալ պաշտոնում:

Հաշվիչ հանձնաժողովի նախագահ՝ _____
ստորագրություն _____ անուն, ազգանուն

Հաշվիչ հանձնաժողովի անդամներ՝

1. _____
ստորագրություն _____ անուն, ազգանուն
2. _____
ստորագրություն _____ անուն, ազգանուն
3. _____
ստորագրություն _____ անուն, ազգանուն